

Arnar Lyche i Møre og Romsdal Bondelag:

Vi har ei vinnarsak – men Sylvi må lytte til næringa



Arnar Lyche: Fine mål, andre realitetar.

Politikken må først slik at det blir skapt lønsemid i landbruket, uttala organisasjonssjefen i Møre og Romsdal Bondelag, Arnar Lyche.

Han hevda at statsråd Sylvi Listhaug må bygge nærmere kontakt.

- Vi føler at Sylvi sviktar ved ikkje å lytte til næringa sine ønsker. Regjeringa vil ha billigare mat, meir effektiv drift, men ikkje på kostnad av kvalitet, arbeidsmiljø og dyrevelferd.

Vi opplever det slik at der er mange som er ute etter å ta jordbruksjobben.

Lyche slo samtidig fast at norsk matproduksjon nyt stor tillit.

- Men vi opplever at det blir sett fine mål medan realitetane blir nokon anna.

Arnar Lyche sa at det er areal nok å bruke til vekst i næringa.

- Vi må få fleire inn i næringa, og det må vere ministeren si oppgåve å motivera og legge til rette for at det skal skje.

Direktør i Bioforsk på Tingvoll, Kristin Sørheim:

Vi må utvikle Møreklynga i landbruket

Effektivisering og utnytting av ressursar, var mellom momenta direktør i Bioforsk på Tingvoll, Kristin Sørheim, trekte fram i si innleiing.

BB - KJELL OPSAL

Ho kom inn på ei rekke sider i dagens landbruk, bl.a. dette med lange transportetappar som krev mykje tidsbruk.

Ho meinte det bør forskast på gardsnivå og utnytting av lokale forskjellar slik at ein oppnår meir innovasjon.

- Med alle ressursane som vi har her i fylket er det eit kjempepotensiale. Slik sett kan vi snakke om Møreklynga i landbruket.

Sørheim som også er mangeårig SP-politiker og toppkandidat for partiet på fylkestingslista, syntes det var spennande med statsråden fra Framstegspartiet.

- Det er kjekt at vi har fått ein minister frå fylket, og det kan også vere bra å få nokon utanfrå det indre landbruksmiljøet i denne statsrådstolen.

Ho tok for seg ei rekke faglege sider ved bl.a. import og arealutnytting og slo fast at mennesket er avhengig av naturen.

Kristin Sørheim: Møreklynga i landbruket har kjempepotensiale.

